



**KOMMUNALBESTYRELSIP
IMMIKKUT ITTUMIK ATAATSIMIINNERA
TALLIMANGORNEQ ULLOQ 13. AUGUST 2021 NAL. 10:00**

Peqataasut:

Palle Jerimiassen (AT), borgmester
Jens Ole Nathanielsen (IA), borgmesterip tullia siulleq
Sakio Fleischer (S), borgmesterip tullia aappaa
Aqqalu Clasen Jerimiassen (A)
Knud Kleemann (A)
Minik Høegh-Dam (AT)
Lena Ravn Davidsen (D)
Bendt B. Kristiansen (IA)
Niels Davidsen (IA)
Anthon Frederiksen (N)
Jens Napâtok' (N)
Ane Qujaukitsoq (S)
Elisabeth Nielsen (S)
Jakob Petersen (S)
Jens Kristian Therkelsen (S)
Jørgen Kruse (S)
Magrethe Christensen (S)

Pisortaaneq: Nick Nielsen
Imaqarniliortoq: Pisortaaneq
Immikkut peqataasut: Pisortaqatigiit
Nutserisut:
Ingerlannera: Telefonikkut

KOM	QULEQUTAQ	BILAG
ORI	Ilisimatitsissutit	~
21-042	Naalakkersuinikkut Ataqaatigiissaarisooqatigiit ataatsimiinnissaannut oqaluuserisassat	001
21-043	ILISIMATITSISSUT: Piginnittuunermik periutsip toqqarnissaa	002
21-044	Nunaqarfinni Aqutsisunik pikkorissaaneq isumasioqatigiisitsinerlu	003
21-045	Oqaluuserisassatut siunnersuutit	004
21-046	Kommunip illuutaanik attartornissamik qinnuteqaat, Illu B-29 upernavik	005
21-047	Avannaa Development A/S, Ilulissani inissiat attartortittakkat pillugit 2022-imut missingersuutinut siunnersuut	006
21-048	Tapiliussamut akuersissut, nunaqarfinni sillimaniarneq aamma Uummannami sanaartorfigiuminarsaaneq	007
21-049	Aningaasanik 2020-mit nuussinissamut qinnuteqaat, Sanaartornermut ingerlatsineq	008

Aalajangiussaq:

Oqaluuserisassat akuerineqarput. Anthon Frederiksen (N) ferie-arpoq.

Iisimatitsissut:**Kangillermi qaqqarsuup Umiammakkup alakkarneqarnissaa**

Siumut gruppiata siunnersuutingaa kommunalbestyrelsimi ilaasortanit Kangillermi qaqqarsuaq Umiammakku alakkartinneqassasoq, ajoraluartumik taamaasiortoqarsinnaanngilaq pisortanit sumiiffik inassutingineqanngimmat tikinneqarsinnaasoq.

Siumut gruppiata aamma siunnersuutingaa Qaqqaq Umiammakku tikillungu misissuiffingineqassasoq, apeqqut pillungu kommune naalackersuisoqarfimmut susassaqartumut saaffinginnissutingineqarpoq. Naalackersuisoqarfimmi pisortap erseqqissarpaa aasarmanna ujarassiunit GEUS-imeersunit misissuisoqarniarpoq kingusinnerusukkullu sukumiinerusumik kommunalbestyrelsimut paasissutissiisoqarumaarpoq.

Bilag ORI-01 Naalackersuisoqarfimmi pisortap akissutaa

Bilag ORI-02 Sumiiffimmi mianersornissamik Selvstyremiit nalunaaruteqarneq

Budgetseminar

Missingersuutitut isumasioqatigiinnissaq Kommunalbestyrelsip ulluliussaa 14. – 15. september 2021 kinguartilaarneqartussanngorpoq ullunullu ukununnga pilarsaarusiorneqarluni 17. – 18. september, tassani peqqutaavoq Politikikkut Ataqtigiissaarisut ulloq 14. september Nuummi ataatsimiittussanngormata.

Tassunga atatillugu Kommunalbestyrelsimi ilaasortat ilaani kissaatigineqarpoq missingersuutitut isumasioqatigiinnermut pilarsaarusiornermi ESANI A/S pillugu ilaatinneqassasoq piumasarineqarpoq, taamaattumillu suliffeqarfiup pisortaa aggersarneqassalluni.

Bilag ORI-03 Isumasioqatigiinnissamut pilarsaarusiaagallartaq

Kassekredit

Aningaasaqarnermut Nunamullu Namminermut Naalackersuisoqarfiup qinnuteqaat ulloq 22. juli 2021 akueralugu nassiuppaa, tassanilu piumasaqaatitaqarpoq ukiup sisamat ingerlanerani akilerneqassasoq, taamatullu siunnersuuteqarluni missingersuusiornermi akiliisinnaasuseq 5% ataatisanngikkaa. Naalackersuisoqarfiup qanimut malernaavigissallugu aammattaaq nalunaaruteqarpoq, Kommunip ukiuni tulliuuttuni aningaasartuutitut aningaasaqarnissamut suliniuteqarnarnera, erseqqissaatigalugulu akiliisinnaassusermut kisimik atorneqassammata, aningaasartuuteqarnerunissamut annerusumik atorneqassanngitsut. Allattoqarfiup maanna tamanna suliaralugu aallartereerpaa isumasioqatigiinnissamullu saqqummiunneqarumaarluni aappaagumut ukiunullu tulliuuttunut missingiutaasuni.

Bilag ORI-04 Namminersorlutik Oqartussaniit allangaq

Økonomiudvalgip qulequtaq sammineqarmat aaliangernera:

Budgetseminareqarnissamut nikisitsilaarnissaq akuersissutingineqarpoq, ullumi tassani ilaasortat ilai pisinnaanngimmata taamatullu Finanslov allannguuteqarsinnaanera pineqarmat.

Aalajangiineq:

Iisimatitsissutit tusaatissatut tinguneqarput.

Suliaq nr.	Pineqartog	Ilanng. nr.	001
KOM 21-042	Naalackersuinikkut Ataqatigiissaarisogatigiit ataatsimiinnissaannut oqaluuserisassat	Journal nr.	

Uteqqiineq:

Nalinginnaasumik ataasiarlutik imaluunnit marloriarlutik Naalackersuinikkut Ataqatigiissaarisogatigiit ukiumut ataatsimiittarput, kommunemiit ataatsimiinnissamut qulequttat ingerlanneqartussat kommunalbestyrelsemut qaqinneqaaqartarput. Ukiormanna partiit siuttui inassuteqarput qulequttat marluk Naalackersuinikkut Ataqatigiissaarisogatigiinni eqqartorneqassasut, inissianik sanaartortitsinissaq, utoqqaat illuinut sanaartornermut aningaasaliissutit kommunenut nuunneqarnissaat.

Uani suliami qulequttat partiit siuttuinit inassutingineqartut kommunalbestyrelsip isummerfingissavai ilalerniarnerlungit.

Suliap saqqummiunera:

Naalackersuinikkut Ataqatigiissaarisogatigiit ataatsimiinniarlutik pingasunngorneq ulloq 14. september qaaqquusipput, ataatsimiinneq Nuummi ingerlanneqassooq. Ataatsimiinnissaq kommunemiit peqataaffingineqassooq oqaluuserisassallu massakkumut ileqqoq naapertorlungu kommunalbestyrelsimit akuerineqartarput. Borgmesterip tulliata siulliup partiit siuttui isumasioramingit qulequttat marluk qaqinneqartussatut inassutingaa.

Iluarsiinissamut siunnersuut – sammisanut tunngatillugu nalilersuineq

Qulequttat arlallit eqqartorneqarput, kisianni pingaarnersuiinermi inissaaleqinerujussuaq annertummat qulequtaq pingaarnertut ingerlanneqassasoq siunnersuutaavoq, aappaattut utoqqaat illuinik sanaartornermi aningaasaliissutit kommunenut nunneqarnissaat siunnersuutaalluni.

Inissianik sanaartortitsinissaq

Avannaani inissaaleqineq annertuvoq, inissiaatileqatingiiffik INI AS allatungaatai naapertorlungit 31. maj inissaaleqisut kommunitisinni ima amerlatingaat:

Illoqarfik	1 rums	2 rums	3 rums	4 rums	5 rums	Tamarmik	Cpr. nr.	%-ngorlungu
Ilulissat	217	943	857	261	40	2318	488	488/5059 = 10%
Uummannaq	28	78	106	26	0	238	100	100/2272 = 4%
Upernavik	0	116	94	42	20	272	67	67/2731 = 2%
Qaanaaq	7	47	18	2	2	76	30	30/758 = 4%
I alt	252	1184	1075	331	62	2904	685	685/10820 = 6%

Takuneqarsinnaavoq kommunemi inissaaleqineq annertoq piusoq, taamaattumik kommunalbestyrelsip inassutingaa Avannaata Kommuniani inissianik sanaartornerup aallartinneqarnissaa.

Ullumikkut suleriuseq ima inissisimavoq kommune Namminersorlutik Oqartussaniit attavingineqariasaartarluni ukiumiit ukiumut sanaartorneq ingerlanneqassasoq, 2017-imi Ilulissani inissiat 48-rut sanaartorneqalerput, suliami kommune aningaasaleeqataavoq, 2020-imi Qaanaami inissiat arfinillit aaliangerneqarpoq suliarineqassasut.

Sanaartorneq kommunemiit qujarunneqarpoq, kisianni kommune nalornivoq sanaartorfissat tullinnguuttut sumiinnerinut tassuunakkullu qanoq aningaasaliisoqassasoq. Taamaattumik kommunep ujartorpaa pilersaarutit ersarissut ukiut tulliit takussutissiisut Namminersorlutik Oqartussat saqqummiutissangai, sanaartorfiusussallu qanoq aaliangiiffingineqartassasut ersarissumik takussuserneqarnissaat kissaataavoq. Kommunit akunnerminni inissianik sanaartortitsinissaq sorsuutingissanngippassuk ersarissunik pilersaaruteqartariaqarpoq uuttuuteqarlunilu sanaartornermut pilersitsinissamut toqqammaviusussanik.

Utoqqaat illuinut sanaartornermut aningaasaliissutit

Ullumikkut utoqqaat illuinik sanaartorneq ingerlanneqartussaattillungu aningaasalersuinerit kommune Namminersorlutik Oqarlussallu akunnerminni avillungit ingerlattarpaat, kingullermik kommunetsinni utoqqaat illuinut sanaartornermi Upernavimmut 2017-imi aningaasaliisoqarpoq. Utoqqaat illuinik sanaartornissaq imaluunnit pisariaqartitsineq sumiiffinni tamani atuuppoq, utaqqisullu ima amerlatingipput:

Illoqarfik	Utoqqaat illuat	Puigortunnigortut illuat	Sapinnginnerusut illuat
Ilulissat	22	2	46
Uummannaq	2	2	2
Upernavik	8	0	0
Qaanaaq	0	0	0

Inunni isumanginninnermut immikkoortoqarfimmi misissuinerup kingorna kisitsisit tunniunneqarput. Kommune utoqqaat illuinik sanaartortussaattilluni qulaani taaneqartutuut aningaasaliissutit Namminersorlutik Oqartussallu avittarpaat, uani Avannaata Kommuneaniit siunnersuutaavoq aningaasaliissutit kommunenut tunniunneqassasut tamakkiisumillu ingerlanneqalerlutik. Taamaasiornikkut sumi pisariaqartitsineq naapertorlungu sanaartorneq ingerlanneqarsinnaalissammat, kommunemi ilisimaarineqarpoq pisariaqartitsinerit sumiinnersut.

Ingerlariaqqinnissaq

Avannaata Kommuniani Naalackersuinikkut Ataqatigiissaarisoqatigiit ataatsimiilerpata qulaani qulequttat marluk taakkartorneqartut qaqinneqassapput.

Aningaasaqarnermi kingunerisinnaasat:

Kommunemut suliaq aningaasatingut kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa
Qulaani qulequttat marluk Naalackersuinikkut Ataqatigiissaarisoqatigiit ataatsimiilerpata kommunemiit
qaqinneqassasut*

Aaliangerneq:
Akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 001-01: Ataatsimiinnissamut qaaqquissut

Aalajangiineq:

Inassuteqaat akuerineqarpoq.

Suliaq nr.	Pineqartog	Ilanng. nr.	002
KOM 21-043	ILISIMATITSISSUT: Piginnittuunermik periutsip toqqarnissaa	Journal nr.	

Uteqqiineq:

Pisortat illuutigisaat tamaasa kommuninut tunniunnissaat Namminersorlutik Oqartussat kissaatigaat. Tamanna ilaatigut aserfallatsaaliinermi amigaataasut ullumikkullu attartortut atungaasa pittannqornissaanut kissaateqarneq. Taamaattumik inissianik siunissami ingerlaqatarnissamut tunngaviusinnaasunik periutsinik pingasunik kommunit ataatsimoorlutik ilusiliisimapput.

Suliamik saqqummiussinermi matumani inissiat tunniuneqassappata ilusermik sorlermik kommunip suliamik ingerlataqarnissaanik kommunalbestyrelse ukioq aaliangerpoq, isummersimanerlu massakkut ilisimatitsissutingineqarpoq.

Suliap saqqummiunera:

Nunatsinni inissiat amerlanerpaat pisortanit pigineqarput, tassalu Namminersorlutik Oqartussanit 58%-it kommuninit 42%-it pigineqarlutik. Inissiat amerlanerpaat pisoqaallutillu nungullarsimapput, inissiallu 11.500-t tungaannut amerlassuseqarput, massakkumuungallartoq missingiut nalorninartumik toqqammaveqartoq kr. 2.6 mia. missaannik iluarsaattarialittut pisariaqartitsinermi naleqartutut taaneqarpoq. Inissiat taakku ullumikkut kommunini ingerlatseqatigiiffinit imaluunniit inissianik ingerlatseqatigiiffimmit INI A/S-imit aqunneqarput. Inissiat attartorneqarsinnaasut 12% missaat Avannaata Kommunianiippat. Inissianik piginnittuunerit ingerlatsinerillu inissianik piujuartitsinerusumik ingerlatsinermik qularnaarluni allangortinneqassasut Namminersorlutik Oqartussat isumaqarput. Assersuutigalugu iluarsaassinermut aningaasaliissutit amerlanerujussuit immikkoortinneqarnissaannik tamanna nassataqassaaq, taamaalilluni tamatumunnga pisariaqartitaqarneq matussuserneqarsinnaassammat.

Inissiat naleqassusaasa nalunaarsornerinik kommuninik suleqateqarlutik Namminersorlutik Oqartussat ingerlataqarput paasissutissiinerillu ataavartumi kommunalbestyrelsimut ingerlanneqartassapput. Taamaaliortoqarpoq tunniussaqaarnerup paasissutissiiffingilluarneqartumik tunngaveqarluni pisinnaanissaa qularnaarniarlugu, aammalu tigusinikkut aningaasaqaarnermi kinguleruttut sorlernik malitseqarneri erseqqissaaviginiarlugit. Piginnittuunissamut aqutsinissamullu periutsinik pingasunik, *ataasiakkaanut, nammataqatigiinnertut* aammalu *isumalluutinik tunngavilittut periutsinik* taaneqartunik kommunit ataatsimoorlutik suliaqarsimapput toqqarneqarsinnaasunik. Periutsit taakku tamarmik ilanngussami immikkuualuttortalersukkatut nassuiarneqarput.

Iluarsiinissamut siunnersuut – sammisanut tunngatillugu nalilersuineq

Attartortunut kommunimullu piginnittuunermut iluserisap iluaqutaanissaa pingaartuuvoq. Maannakkut iluserisap attassisinnaangilaq, inissiat naammaginarumik iluserisassamik attassinissaannut iluarsaassinissamut aningaasaliissutit immikkoortitat naammangimmata.

Maannakkut inissianik pisariaqartitsinermut ilisimasaqarneq paasisimasaqaarnerlu qaninnerusumiimmat kommunip aserfallatsaaliuinissamut aningaasaliissutinik atugaqarluarnerusinnaanera Avannaata Kommuniata nalilersuutigaa. Tamatuma saniatigut iluaqutaasussani ilaavoq ineriartortitsinissamut ingerlatseqatigiiffik, Avanna Development aqutugalugu kommune inissianik imatut nalingisaanik inissiissammat taarsigassarsiaasinnaasut, assersuutigalugu inissianik nutaanik sanaartuinnermut, aningaasaliinnermut atugarineqarsinnaalissallutik. Taamaaliornermigut kommunip siunissami inissianik amigaateqarnissaa ajornannginnerusumik pinaveersaartissinnaavaa.

Aqutsinerup ingerlatarinerinut kommunip kisimiilluni aningaasartuutit tamaasa akilissappagit assut aningaasartuuteqarfiussaaq. Naatorsuutingineqassooq sulisut 30-it missaat kommunimut Avannaani inissiatileqatingiiffimmi sulisut nuutinneqarnissaat, qanoq allaffissornerup naleqarnissaa massakkumut oqaatingiuminaappoq, kisianni nalornissutingineqassangilaq kommune karsianut aningaasartuurtaassanngimmat. Taamaattumik ingerlatsinermut aningaasartuutip ilaa taanna ataatsimoorunneqartumik pisinnaassappat iluaqutaassaaq, soorlu kommuninit. Iluseq taanna *isumalluutinik*

tunngaveqartutut iluarsiiisutitut taanguteqarpoq. Inissianik attartortunut kommunimullu pitsaanerpaamik iluaqutaassamat iluarsiiisut taannarpiaq allattoqarfiup inassutigaa.

Ingerlariaqqinnissaq

Piginnittuernermit ilusissamat kommunit kissaatigisaat pillugu Namminersorlutik Oqartussat nalunaarummik pissarsiniarput, taamaattumillu pineqartup isummerfiginissaa pillugu kommune kimigiiserfigineqarpoq. Inissianik tigusinissamat tunngatillugu ingerlataqarnissaq nangissaaq, tassanilu aningaasaqarnermut ataatsimiititaliaq aamma kommunalbestyrelse ilisimatinneqartuassapput.

Borgmesterit 15. februar naapipput kommunini kommunalbestyrelsinilu aaliangersimaneq eqqartorlungit, tamatuma kingorna ataatsimoortumik kommune Naalakkersuisunut suliaq pillungu oqariartornissaat naattorsuutingineqassooq, kisianni kommunalbestyrelse nutaat sioqqullungu aaliangersimanermik ilisimatinneqaaqaassapput.

Kommunalbestyrelse pinginnittuunissamat apeqqut isummerfingivaa paasissutissat toqqammaviusut naapertorlungit, paasissutissat nutaat Selvstyrimii saqqummiunneqarsimatillungit kommunalbestyrelsimut ingerlatinneqartassapput.

Naalakkersuisup allangaani qulequttat pingasut sinneri, allaffissornermi PPV-mullu najoqqutassat, aserfallatsaaliuineri kinguaattoorutit isumangineqarnissaannut pilersaarut, qanitamiittumik tunngaveqarnissap qulakkeerneqarnissaannut pilersaarut borgmesterit ataatsimiinnermini eqqartussavaat Naalakkersuisunullu ataatsimoortumik akissuteqarnermi qulequttat allaaserineqassallutik.

Kommunalbestyrelse akissutaasut pillungit ilisimatinneqarumaarpoq.

Inatsisitigut tunngavigisat allagaatillu toqqammavissiiisut:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersaq

Aningaasaqarnermi kingunerisinnaasat:

Siuliani nassuiarneqartutut inissiat kommunip pigisaatut ingerlatseqatigiiffimmut, aningaasatigut pissutsinik aqutsisuusumut tunniunneqarumaarput. *Isumalluutiniq tunngaveqartumik* iluarsiiisut toqqarneqassappat kommunip inissiaataasa aserfallatsaaliornissaannut maannakkut aningaasaliissutaasoq siunissami aaqqiissummut naleqqiullugu allaaneraallaassannginnersoq allattoqarfiup nalilissavaa.

Toqqaannartumik kommune karsianut una suliaq aningaasatingut kinguneqassanngilaq, ataavartumik Selvstyrimiiit paasissutissat tunniussuunneqartillungit kommunalbestyrelsimut ingerlatinneqartassapput. Alloriarnerit suulluunniit kommunalbestyrelsimut ingerlanneqartassapput aalianginnginnermilu paasissutissat sukumiisut saqqummiunneqartassapput.

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermi Ataatsimiititaliami aaliangerneq:

Allattoqarfiup Aningaasaqarnermut Ataatsimiititaliamut inassutigaa

Inissiat tunniunneqassappata kommunip inissiaataanik ingerlatsinissamat isumalluutiniq tunngaveqartumik iluserisaaq tunngaviussasooq.

Aaliangerneq:

Kisitsisit eqqortut ineqarnermut sukumiisumik kommunalbestyrelse saqqummiunneqarnissaat ataatsimiititaliamit saqqummiunneqarput. Allaffissornermi aaqqiussuunerit sulisunut inissaqartitsinerit aamma sukumiisumik saqqimmiunneqassapput.

Toqqarneqarpoq kommune nammineerluni ingerlatsineq toqqammavingissangaa.

Kommunalbestyrelsip aaliangerneq:

*Aningaasaqarnermut Ataatsimiititaliap Kommunalbestyrelsimut inassutingaa:
Aningaasaqarnermi Ataatsimiititaliami aaliangerneq ilalerneqassasoq*

Aaliangerneq:
Inassuteqaat akuerineqarpoq.

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermi Ataatsimiititaliamut inassutingaa
Isumalluutitik tunngaveqartumik kommunit allat assingalungit ingerlatsineq toqqammaveqassasoq
ilisimatitsissullu tusaatissatut tinguneqassasoq*

Aaliangerneq:
Kommunalbestyrelsimut aaliangigassanngorlugu ingerlateqqinneqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 002-01: Ineqarnermut Attaveqarnermullu Naalakkersuisoqarfimmit allakkat
Bilag 002-02: Pinginnittuunermut ilusit assingiinnngittut
Bilag 002-03: Naalakkersuinikkut Ataqatingiissaarisooqatigiit ataatsimiinnerani paasissutissat
saqqummiunneqartut
Bilag 002-04: Suliap saqqummiunneqarnera Kommuneqarfik Sermersuumi

Aalajangiineq:

Kommunalbestyrelsip siuliani aaliangersimanera naqissuserneqarpoq. Kommunalbestyrelsimut erseqqissaatingeqarpoq suliaq imaluunnit aaliangerneq mianersortumik kommune-llu karsianut killup tungaanut sammisumik kinguneqassanngittoq.

Suliaq nr.	Pineqartog	Ilanng nr.	003
KOM 21-044	Nunaqarfinni Aqutsisunik pikkorissaaneq isumasioqatigiisitsinerlu	Journal nr.	

Uteqqiineq:

Avannaata Kommuniani Nunaqarfinni Aqutsisut Ilulissani pikkorissarneqarnissaat uiggiullugulu isumasioqatigiinnissaat augustip qeqqani pissussanngorlugu aalajangiunneqarpoq, Avannaata Kommuniani Covid19-mik tunillaassuuttoqarnera pequtugalugu ullulerneqanngitsumik kinguartinneqarnissaanut siunnersuuteqartoqarpoq.

Uani kommunalbestyrelsip siunnersuut oqallisingissavaa isummerfingalungulu.

Suliap saqqummiunnera:

Kommunalbestyrelse kingullermik ataatsimiinnermini akuersissutigaa, Nunaqarfinni Aqutsisut Ilulissani pikkorissarneqarnissaat tassungalu uiggiullugu isumasioqatigiinnissaat ingerlanneqassasoq piffissami 20. august-miik 24. august ilanngullugu.

Maanna Avannaata Kommuniani COVID-19 tunillaassuulluni aallartissimavoq, tassanilu aamma nunaqarfitta ilaanni tunillaassuunneq ingerlalersimalluni.

Iluarsiiinissamut siunnersuut – sammisanut tunngatillugu nalilersuineq

Naalakkersuisut innersuussutaat COVID-19 pillugu Upernavimmi nunaqarfiinilu aaliangersakkat atuupput, aammalu siammatsaaliinissaq eqqarsaatigalugu pikkorissaanissaq aammalu isumasioqatigiinnissaq ullulerneqanngitsumik, ukiassamulli pisinnaasussanngorlugu kinguartinneqarnissaanik kommunalbestyrelsimi ilaasortamit Jens Kristian Therkelsen (S) siunnersuuteqartoqarpoq.

Ingerlariaqqinnissaq

Qulaani saqqummiunneqartup ulluisa kinguartinneqarnissaat ullulerneqanngitsumik, kisiannili ukiassarua pisinnaasunngorlugu akuerineqarpat, allattoqarfik nutaamik pilersaarusiussooq pikkorissarnissap kiisalu isumasioqatigiinnissap ingerlanneqarnissaa siunertaralugu. Tamat Oqartussaaqataanerannut Nunaqarfiill Ineriartortinneqarnissaanut Ataatsimiititaliap suliaq nangeqqillungu ingerlatissavaa.

Aningaasaqarnermi kingunerisinnaasat:

Missinersuutit iluani ingerlatsisoqarnissaa allattoqarfimmiit inassutigineqapoq.

Inatsisitigut tunngavigisat aamma toqqammavissiisutut allagaatit:

- Avannaata kommuniani illoqarfinni Upernavimmi aamma Aasianni kiisalu nunaqarfinni arlalinni angallassissutinik tamanit ilaaffigineqarsinnaasunik killilersuigallarnerit pillugit Namminersorlutik Oqartussat nalunaarutaat nr. 32, 28. juli 2021-mersooq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelsen

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiittaliat inassutingaa:
Nunaqarfinni Aqutsisut Ilulissani pikkorissarneqarnissaat isumasioqatigiinnissaallu pilersaarutit
naapertorlungit ingerlanneqartussaangaluaq ukiamut nuunneqassasoq*

Aaliangerneq:

Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilannussat:

Bilag 003-01: Kommunalbestyrelsimi ilaasortap Jens Kristian Therkelsen (S) siunnersuutaa

Aalajangiineq:

Inassuteqaat akuerineqarpoq.

Suliat nr.	Pineqartog	Ilanng. nr.	004
KOM 21-045	Oqaluuserisassatut siunnersuutit	Journal nr.	

Uteqqiineq:

Kommunalbestyrelsimut ilaasortat siunnersuutitik allattoqarfimmumt ingerlatittarpaat, suliallu qanoq ingerlanissaannik allattoqarfik nassuiaasarpog.

Uani suliami kommunalbestyrelsi ilisimatinnearpog siunnersuutit qanoq allaffissornermi ingerlaqqissasut.

Suliat saqqummiunna:

Kommunalbestyrelse ilaasortat siunnersuutaat suliarineqartussat ataatsimiititaliamut ersarissarneqarput.

#1 Knud Kleemann (A)

A) Upernavimmi Polar Seafood-tip fabrikkiaata tungaanut aqquasineq ajorluinnarmat, aasaq manna suliarinissaanut immikkut aningaasaliiffiqineqarnissaa siunnersuutigivaa.

Ingerlaqqinnissaq: Suliasaq Teknikkimut Ataatsimiititaliamut suliakkiunneqassog, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassog.

Naammassereersimanissaa: Kingusinnerpaamik ataatsimiititaliani decemberimi sammineqareersimassog.

#2 Margrethe Christensen (S)

A) Nunaqarfik Tasiusaq ukioq naallugu suliffissaqartitsisumik suliffissuaqarfimmumt, Upernaviullu eqqaani nunaqarfiit inoqarfiusut ineriartortut annersaata tullerimmassuk pissusissamisoomallu Tasiusami meeqqerivimmik pilersitsisoqarnissaa siunnersuutigivaa.

Ingerlaqqinnissaq: Suliasaq Inerisaanermumt Ataatsimiititaliamut suliakkiunneqassog, tassani eqqartorneqareeruni Teknikiut Ataatsimiititaliamut suliakkiunneqassalluni, tamatumalu kingorna Aningaasaqarnermi Ataatsimiititaliamut inaarutaasumik ingerlatinneqassog.

Naammassereersimanissaa: Kingusinnerpaamik ataatsimiititaliani decemberimi sammineqareersimassog.

B) Nunaqarfik Nutaarmiut tunisassiorfeqarluni Avannaata kommuniani aningaasarsiornikkumt nunattalu karsianut akileraarutitingumt napatitsisooqataammumt aalaakkasumillu najugaqartumt ulluinnarni pisariaqartitaminnik nunaqarfimminni pisiniarnissamumt periarfissaqanngimmumt, nunaqarfimmi tassani pisiniarfimmik imaluunniit toqqorsivimmik pilersitsisoqarnissaa siunnersuutigivaa.

Ingerlaqqinnissaq: Suliasaq Tamat Oqartussaaqataarnerannumt Nunaqarfimullu Ineriartortitsinermumt Ataatsimiititaliamumt suliakkiunneqassog, tassani eqqartorneqareeruni Aningaasaqarnermi Ataatsimiititaliamumt inaarutaasumik ingerlatinneqassog.

Naammassereersimanissaa: Kingusinnerpaamik ataatsimiititaliani decemberimi sammineqareersimassog.

C) Tasiusami utoqqaat amerlasuumt, pisoqalisimasunik qiiarluutik ullutsinnumt naleqqutinngittunik kiassaateqartunik namminneq pigisaminnik angerlarsimaffeqarput. Pineqartumt amerlanersaasa qanigisatik nunaqqatigalugit utoqqalinissartik kissaatigivaa. Taamaattumik utoqqaat tulluurtunik inissianik najugaqatigiiffissaanik sanasoqarnissamumt misissuisoqarnissaa siunnersuutigivaa.

Ingerlaqqinnissaq: Suliasaq Ilaqutareeqarnermumt Ataatsimiititaliamumt suliakkiunneqassog tassani eqqartorneqareeruni Aningaasaqarnermi Ataatsimiititaliamumt inaarutaasumik ingerlatinneqassog.

Naammassereersimanissaa: Kingusinnerpaamik ataatsimiititaliani decemberimi sammineqareersimassog.

#3 Ane Qujaukitsoq (S)

- A) Qaanaami aqquserngit asfaltimik qalliinikkut iluarsaanissaat imaluunniit, Pituffimmi suna atorlugu aqqusiniorortoqartarnersoq misissorneqaqqullugu siunnersuut.

Ingerlaqqinnissaq: Suliassaq Teknikkimut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

Naamassereersimanissaa: Kingusinnerpaamik ataatsimiititaliani decemberimi sammineqareersimassooq.

- B) Qaanaami arsaaffiup ivigaasaqqanik qallerneqarnissaanut siunnersuut.

Ingerlaqqinnissaq: Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

Naamassereersimanissaa: Kingusinnerpaamik ataatsimiititaliani decemberimi sammineqareersimassooq.

#4 Jens Ole Nathanielsen (IA)

- A) Piorsarsimassutsikkut Illorsuup Sermermiut saaffiginnittarfiani sulisuliisoqarnissaanik siunnersuut.

Ingerlaqqinnissaq: Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

Naamassereersimanissaa: Kingusinnerpaamik ataatsimiititaliani decemberimi sammineqareersimassooq.

- B) Piorsarsimassutsikkut Illorsuarmi Sermermiuni Eventteknikkerimik assigusumilluunniit ilinniagalimmik Avannaata Kommuniata atorfinittisinissaanik siunnersuut.

Ingerlaqqinnissaq: Suliassaq Inerisaanermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

Naamassereersimanissaa: Kingusinnerpaamik ataatsimiititaliani decemberimi sammineqareersimassooq.

#5 Jakob Petersen (S)

- A) Nuugaattaap kanniani qaqqap nakkariaannartut nalilerneqartup tikillugu misissuiffigineqarnissaanik piunasaqaat.

Ingerlaqqinnissaq: Suliassaq Tamat Oqartussaaqataarnerannut Nunaqarfinullu Ineriartortitsinermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

Naamassereersimanissaa: Kingusinnerpaamik ataatsimiititaliani decemberimi sammineqareersimassooq.

#6 Jens Kristian Therkelsen (S)

- A) Uummannaq sulluani tassaarsuaqarsinnaanera pillugu siunertalimmik oqallittoqarnissaanik siunnersuut.

Ingerlaqqinnissaq: Suliassaq Tamat Oqartussaaqataarnerannut Nunaqarfinullu Ineriartortitsinermut Ataatsimiititaliamut suliakkiunneqassooq, tassani eqqartorneqareeruni Aningaasaqarnermi Ataatsimiititaliamut inaarutaasumik ingerlatinneqassooq.

Naamassereersimanissaa: Kingusinnerpaamik ataatsimiititaliani decemberimi sammineqareersimassooq.

#7 Aqqualu Classen Jerimiassen (A)

- A) Naalackersuisut Covid-19 pillugu immikkut Avannaata Kommunianut iliuuseqartariaqarneranik Inuusutissarsiornermullu Naalackersuisup naapikkumaneqarnissaanik saaffiginninnissamut siunnersuut.

Ingerlaqqinnissaq: Suliassaq Aningaasaqarnermi Ataatsimiititaliamut suliakkiunneqassooq, tassani eqqartorneqareeruni Kommunalbestyrelsimut inaarutaasumik ingerlatinneqassooq.

Naamassereersimanissaa: Suliaq kingusinnerpaamik decemberimi sammineqareersimassooq.

#Ilaasortat sinneri

Ilaasortat siunnersuutingisimasai imaluunniit apeqqutingisimasai suliarineqarlutik naammassineqarsimapput imaluunnit suliarineqarput.

Ingerlariaqqinnissaq

Qulaani siunnersuut taakkartorneqartoq allattoqqarfimmi suliakkiissutaavoq naammassereernissaanullu ullut killiliunneqartut naapertorlungit ataatsimiititaliani susassaartumi saqqummiunneqassalluni.

Aningaasaqarnermi kingunerisinnaasat:

Soqanngilaq.

Inatsisitigut tunngavigisaaq, toqqammavissiisutullu allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginnineq:

Aningaasaqarnermut Ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermi Ataatsimiititaliamut inassutigaa
Ataatsimiititaliap ilisimatitsissutit qulaani saqqumminneqartoq tusaatissatut tingussangaa*

Aaliangerneq:
Tusaatissatut akuerineqarput.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

- Bilag 004-01: Knud Kleemann, Upernavimmi aqquserngup aasaq manna suliarinissaanut immikkut aningaasaliiffiqarsinnaaneranut siunnersuutaa
- Bilag 004-02 Margrethe Christensen, Tasiusami meeqqureviliortoqarnissaanut siunnersuutaa
- Bilag 004-03 Margrethe Christensen, Nutaarmiuni pisiniarfeqalernissamut siunnersuutaa
- Bilag 004-04 Margrethe Christensen, Tasiusami utoqqarnut najugaqatiigiiffissamik sanasoqarnissaanut misissuisoqarnissamik kissaatigisaq
- Bilag 004-05 Ane Qujaukitsoq, Qaanaami Aqquserngit suliarineqarnissaanut siunnersuut
- Bilag 004-06 Ane Qujauktisoq, Qaanaami arsaaffiup ivingaasaaqqanik qallerneqarnissaanut siunnersuut
- Bilag 004-07 Jens Ole Nathanielsen, Piorsarsimassutsikkut Illorsuup Sermermiut saaffiginnittarfiani sulisuliisoqarnissaanik siunnersuut
- Bilag 004-08 Jens Ole Nathanielsen, Piorsarsimassutsikkut Illorsuarmi Sermermiuni Eventteknikkerimik assigusumilluunniit ilinniagalimmik Avannaata Kommuniata atorfinititsinissaanik siunnersuut
- Bilag 004-09 Jakob Petersen, Nuugaattaap kanniani qaqqap nakkariaannartut nalilerneqartup tikillugu misissuiffiqarnissaanik piumasaqaat
- Bilag 004-10 Jens Kristian Therkelsen, Uummannap sulluani tassaarsuaqarsinnaanera pillugu siunertalimmik oqallittoqarnissaanik siunnersuut
- Bilag 004-11 Aqqalu Classen Jerimiassen, Naalakkersuisut Covid-19 pillugu immikkut Avannaata Kommunianut iliuseqartariaqarneranik Inuussutissarsiornermullu Naalakkersuisup naapikkumaneqarnissaanik saaffiginninnissamut siunnersuut

Aalajangiineq:**Inassuteqaat akuerineqarpoq.**

Suliaq nr.	Pineqartog	Ilanng. nr.	005
KOM 21-046	Kommunip illuutaanik attartornissamik qinnuteqaat, Illu B-29 Upernavik	Journal nr.	

Uteqqiineq:

Illu B-29 Upernavimmi attartorneqarnissaanut suliaq Kommunalbestyrelsimit ingerlanneqarpoq december 2020-mi aaliangiunneqarlunilu illu neqitsersuisarfittut atorneqarsinnaanersoq misissorneqassasoq. Aningaasaqarnermut Ataatsimiititaliap aaliangingaa uani suliami kommunalbestyrelsip isummerfigissavaa misissuereernerup kingorna attartortinneqassanersoq imaluunniit allatut aaliangiussaqaassanersoq.

Suliap saqqummiunnera:

Illu B-29 ukioq 1929-mi napparneqarsimavoq, siornatigut quersuartut aammalu sulisut qiteqquttarfiatut KGH-ip atorsimavaa, kingorna Upernavik Kommuniusimasup illu tigusimavaa. Attartortinneqarsimavoq namminersortunut neriniartarfittut imerniartarfittullu atorneqarsimalluni. Attartortut uninnerisa kingunerani illu atorneqarani napaannarpoq. Illu affarleriippoq affarlialu affaani attartorneqarpoq

Kommunalbestyrelsip 21. december 2020 suliarivaa aaliangiullugulu misissorneqassasoq neqitsersortarfittut atorneqarsinnaanersoq, qinnuteqartut marluusut tunngavigalugit, tassaasut:

- ASIMI Upernavik neriniartarfittut aammalu imerniartarfittut ingerlatsissallugu qinnuteqarpoq.
- Najukkami ataatsimiititaliaq aamma innersuusivoq neqitsersortarfittut atuutilerusullugu.

Qulequttap ingerlaqqinnginnerani misissuineq uteqqiinerlu:

Kommunalbestyrelsip ulloq 21. december 2020-mi suliap ingerlannerani aaliangiuppaa illu neqitsersortarfittut atoneqarsinnaanersoq misissorneqassasoq. Sanaartornermut Teknikeqarnermullu ingerlatsivik nalilersuereerluni uani saqqummiuppaa illu iluarsaatassaangaatsiarpoq kr. 3.0 mio.-nit tungaanut. Neqitsersuisarfittullu atulissappat annertunerpaat iluarsaateqaarneqartariaqartut inassutigalugu.

Taamatutaaq suliap ingerlaneqarnerani ilisimatitsissutigineqarpoq allattoqarfiup inatsisilerituumut misissortissimammagu najukkami ataatsimiititaliaq sulianut ima ittunut inassuteqarsinnaanersoq, inatsisilerituullu allakkamini ilisimatitsissutigivaa taamatut ittunut ingerlatsisinaanermut pisinnaatitaaffeqanngitsoq kingornalu ilisimatinneqarlunittaaq. Peqatigiiffimmik kingorna saaffiginnittoqarnikuunngilaq ingerlatsinissamat.

Sulialli ingerlannerani aamma allamik qinnuteqartoqarpoq neriniartarfittut imerniartarfittullu siunertalimmik ingerlatserusuttut, tassaasut:

- Suliffeqarfik Arctic Ilik.

Suliffeqarfiit maarluusut pilersaarutiminnik saqqummiussippat taamatullu iluarsartuussinissaminnut pilersaarutaat, akkiussani takuneqarsinnaallutik. Aappaa ASIMI Upernavik siuliani suliap ingerlanneqarnerani december 2020-mi aamma suliami sammineqartunut ilaavoq, uanilu qinnuteqartunut ilaateqqinneqarluni qinnuteqaatini attammagu.

Aningaasaqarnermi kingunerisinnaasat:

Attartortinneqassappat attartornermut akigititassat isumaqatiginninniutaassappat. Allatulli aaliangiussisoqassappat qulaani iluarsartuunnissaanut aningaasartuutaajumaartussatut naatsorsuutaasut saqqummiunneqarpoq kr. 3.0 mio.-t missaaniissasut. Kommunilu ukioq manna ukiumullu tulluittunut illikartitsinikuunngilaq illu B-29-mut iluarsartuunnissaanut.

Inatsisitigut sinaakutatigullu toqqammaviit:

- Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeq-qusernerinut attartornerannulluunniit akuersisarneq pillugu Inatsisartut inatsisaat nr. 23, 28. november 2018-imeersoq

Suliamik isumaginnineq:

Aningaasaqarnermut ataatsimiititaliaq
Kommunalbestyrelse

Aningaasaqarnermut Ataatsimiititaliap aaliangerera:

*Allattoqarfiup Aningaasaqarnermut Ataatsimiititaliamut inassutigaa:
Ataatsimiititaliap ingerlariaqqinnissaq qanoq ilusilerneqassasoq aaliangiiffigissagaa*

Aaliangerneq:

Inassutigineqarpoq suliffeqarfiit neqerooruteqassasut attartornissaanut pitsaanermillu neqerooruteqartoq akuerineqasassoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 005-01: Illu B-29-p iluarsaneqarnissaanut inassisimaneranullu naliliineq
Bilag 005-02: Najukkami Ataatsimiititaliap siunnersuutaa
Bilag 005-03: ASIMI pilersaarussiaa
Bilag 005-04: Arctic Ilik pilersaarussiaa
Bilag 005-05: Inatsisilerituup allagaqaataa
Bilag 005-06: Kommunalbestyrelsip imaqarnilia pkt. 20-071 ataatsimiinneq nr. 14/20-mi

Aalajangiineq:

Inassuteqaat akuerineqarpoq. Neqitsersuisarfimmut suliaq attuumasoq ujartorneqarpoq.

Suliaq nr.	Pineqartog	Ilanng. nr.	006
KOM 21-047	Avannaa Development A/S, Ilulissani inissiat attartortittakkat pillugit 2022-imut missingersuutitut siunnersuut	Journal nr.	

Uteqqiineq:

Inissiat attartortittakkat Ilulissaniittut Avannaa Development A/S-imik pigineqartut A/S Inissiaatileqatigiit INI-imit aqunneqartut pillugit kommune 2022-mut missingersuutitut tunngasoq pillugu siunnersuummik tiguisivoq.

Uani suliami kommunalbestyrelsip missingersuutit isummerfigissavaa aamma Avannaa Development A/S-p illumut akiliut ikilineqarnissaa kiisalu ingerlatsinermut tapit pillugit qinnuteqaataa akuersissutigineqassanersoq.

Suliamik saqqummiineq:

Avannaa Development A/S-p inissiat attartortittakkat Ilulissaniittut immikkoortut 12-325 aamma 12-342. 1. marts 2021-imi tiguaat.

INI A/S-p, inissiat attartortittakkanut ingerlatsisup 2022-imut missingersuutitut siunnersuummik suliaqarpoq. Atuisunut missingersuutit nassiunneqannginneranni missingersuutitut siunnersuut akuersissutigineqaaq aamma missingersuutit atulinnginnerini missingersuutit atuutilernissaannut qaammatit pingasut sioqqullugu nalunaarutigineqartussaapput.

Erseqqissaatigineqassaaq Avannaa Development A/S-imut inissiat attartortittakkat tunniunneqarneranni BDO ingerlatseqatigiiffiup kukkunersiuisuanik nalilersuinermit nalunaarussiaq suliarineqarpoq.

Nalilersuinermi ilaatigut ilimasaarutigineqarpoq illumut akiliut ukiut qulit ingerlanerani qaffakkumaartoq ineriartortitsinermi aningaasalersuineq malernaatinneqarniassammat.

Avannaa Development A/S-p siulersuisuisa 30.juni 2021 missingersuutitut siunnersuutit eqqartorpaat, tassani aalajangiunneqarluni:

Inissiaatileqatigiiffiup immikkoortortaa 12-325 ingerlatsinermut tunngasut ilaannut tapiissutinik kr. 685.158-nalilinnik qinnuteqassasoq, tassani illumut aki 3%-imik qaffanneqassalluni. Aappaattut illumut akip nalingata aalangiussimaannarnissaanut iluaquserneqarfusinnaanerpaanut tapiissutinik kr. 1.023.341-inik qinnuteqasasoq imaluunniit suliffeqarfiup akiliutigisagai.

Inissiaatileqatigiiffiup immikkoortortaa 12-342 ingerlatsinermut tunngasut ilaannut tapiissutinik kr. 20.808,-nalilinnik qinnuteqarpoq, tassani illumut aki 3%-mik qaffanneqassalluni. Aappaattut illumut akip nalingata aalangiussimaannarnissaanut iluaquserneqarfusinnaanerpaanut tapiissutinik kr. 52.020-nik qinnuteqassasoq imaluunniit suliffeqarfiup akilissagai.

Aningaasatigut kingunissaa:

Ingerlatsinermut tapiissutit nalinginut akuersissutaasunut naleqqiullugu kiisalu immikkoortortaqarfinni 12-325 aamma 12-342 ineqartunut illumut aki 3%-imik qaffatsinneqarsinnaanera eqqarsaatigalugu.

Assersuutigalugu attartortittagaq ini qaammamut kr. 4.500-nik akeqarsimappat qaffaassutigisavaa kr. 135,00 qaammammut. Ineriartortitsinissarlugu eqqarsaatigalugu pingaaruteqarpoq akigititat malernaasinneqarnissai ineriartortitsinermut akissaqassuseq siunissaq eqqarsaatigalugu nalimmaniassammat.

Inatsit sinaakkutinullu tunngaviusoq

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliap ingerlanneqarfia:

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Allattoqarfiup inassutigaa siunnersuutaasuni pingasuni arlaat aalinagiiffigissallugu:
Siunnersuut siulleq tapiissutinut aamma illumut aki 3%-imik qaffanneqarnissaa katillugit kr. 678.966-nik
nalillit akuersissutigineqassasut
Imaluunniit siunnersuutip aappaa katillugit kr. 1.075.361-nik nalilik akuersissutigineqassasoq
Aningaasaqarnermut Ataatsimiititaliap inassutigissagaa nikingassut Kommunip suliffeqarfiulluunniit
matussusissagaa*

Aaliangerneq:

Inassutigineqartoq siulleq akuerineqarpoq aammalu inassutigineqartup pingajuani suliffeqarfiup sinnera
matussusissagaa aaliangiunneqarluni.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 006-01: Avannaa Development-imik qinnuteqaat
Bilag 006-02: 2022-mut missingersuutit, immikkoortortaq 12-325
Bilag 006-03: 2022-mut missingersuutit, immikkoortortaq 12-342
Bilag 006-04: Illut akiinut missingersuutit siunnersuutit allattorsimaffii
Bilag 006-05: BDO-p nalilersuinermini nalunaarusiaa

Aalajangiineq:

Inassuteqaat akuerineqarpoq.

Sulia nr.	Pineqartog	Ilanng. Nr.	007
KOM 21-048	Tapiliussamut akuersissut, nunaqarfinni sillimaniarneq aamma Ummannami sanaartorfigiuminarsaaneq	Journal nr.	

Uteqqiineq:

Qaanaami B-437-ip qatserisarfeqarfissatut atorneqarnissaatut pisiarinera kontomi Qaanaami nutaamik Qatseriqarfissami sinneqartoorutaavoq. Taamaattumik taakku aningaasat sillimaniarnermut atortussanik nutaanik pisinissamut aammalu Ummannami sanaartorfigiuminarsaanissamut pilersaarusionermut nuunneqarnissai qinnutigineqarput.

Suliap saqqummiunnera:

Qaanaami B-437-ip qatserisarfeqarfissatut atorneqarnissaatut pisiarineqarnerani kontomi Qaanaami nutaamik Qatseriqarfissami sinneqartoorutaavoq. Tassani peqputaavoq B-437-ip pisiarineqarnerani qatserisarfissap sananeqarnissaraluanut naleqqiullugu aningaasat atorneqartut ikinneruneri. Taamaasilluni aningaasat sinneruttut katillugit kr. 1.100.000-iupput.

Aaqqiinissamut siunnersuut – suliamik naliliineq

Aningaasat sinneqartoorutit kr. 500.000, kontomiiginnassaapput B-437-illu aqqissorneranut atorneqarlutik. Aningaasat sinneruttut (kr. 600.000) nunaqarfinni sillimaniarnermut atortussanut agguaneqassapput aammalu Ummannami sanaartorfigiuminarsaanissamut pilersaarusionermut.

Nunaqarfinni sillimaniarnermut atortussat

Nunaqarfinni sillimaniarnermut atortussanik qinnuteqarneq, sillimaniarnermi atortunik amingaateqarneq pingaarnertut qatserineri pumpenut tunngasut peqquteqarpoq. Naak 2021-mi aningaasanik amerlanerusunik immikkoortitsisoqarnikuungaluartoq, Ukkusissani ikuallaattoornerup takutissimavaa nunaqarfinni tamani pumpet misissorneqartariaqarnerinik. Misissuineri paasineqarsimavoq pumpet allaallu qatserineri atortut taarsertariaqarsimaneri. Taamaattumik kr. 420.000,- sillimaniarnermut atortunik pingaarutilinnik pisinissamut nuunneqarnissai qinnutigineqarput. Ukioq manna sillimaniarnermut konto Ummannami tassaarsuaqarnissamut sillimaniarnermut atortussanik pisinerup unamminartoqartinnera pillugu, aningaasat sillimaniarnermut kontomi nassaarineqarsinnaangillat.

Ummannami sanaartorfigiuminarsaaneq

Tamatuma saniatigut kr. 180.000-inik Ummannami illoqarfiup nutaartaani sanaartorfigiuminarsaanissamut pilersaarusionissamut qinnuteqarpugut. Illoqarfiup nutaartaani sanaartorfissanik toqqaasoqareersimavoq, kisianni sanaartorfigiuminarsaaneq amingaataanera pillugu innuttaasut taakkunannga qinnuteqarnissaa ajornakusoorpoq. Tamatuma saniatigut tassaarsuaqarnissamut ernumanartoqarnerata Ummannap eqqaani nunaqarfimmiut Ummannamut nuunnissaminut arlallit qinnuteqarsimapput. Taamaattumik sanaartortitsinissamut piareersarnissaq pisariaqarpoq, taamaasilluni aningaasartuutissat katillugit matussuserneqarsinnaaniassammata aammalu politikikkut suliassaq sallinngortinneqassanersoq nalilerneqassooq.

Ingerlaqqinnee

Ataatsimiititaliap innersuussut akuersissutigissappagu, oqaluuserisassaq kommunalbestyrelsimut ingerlateqqinneqassooq. Akuersissutigineqassappata aningaasat qinnutigineqartut Ummannami sanaartornissamut aammalu sillimaniarnermut atortussanut nuunneqassapput.

Kingunerisassat:

Sanaartornermi konto-minngaanniit sillimaniarnermut nussineq isumaqassooq, nunaqarfinni sillimaniarnerup ajunngittumik atatiinnarnissaanut atortunik pingaarnernik pisisinnaalernissaq. Tamatuma saniatigut nunaqarfinni sillimaniarneq ukiuni tulluuttuni nutaanik aqqqiinissaq pisariaqassooq.

Ummannami sanaartorfigiuminarsaanermut aningaasanik immikkoortitsinerup takutissuaa politikikkut Ummannami illoqarfiup ilassaata nutaap qanoq akeqarnissaanik erseqqinnerusumik paasinnineq. Taanna toqqammavigalugu aningaasanik tassunga immikkoortitsisoqartoqassanersoq nalilerneqassooq.

Aningaasaqarnermi kingunerisassat:

Immikkoortoq akuersissutigineqarpat aningaasat kr. 420.000,- konto *Qaanaami qatserisarfik nuttaa*q –miit sillimniarnermut nuunneqassapput. Tamatuma saniatigut aningaasat kr. 180.000,- sanaartornermi kontomut nuunneqassapput, tassani *Ummannani sanaartorfigiuminarsaanissamut pilersaaruserneq* pigiinnarneqassooq.

Inatsisini najoqqutarisaaq aamma allakkani killiliisoq:

- 4. december 2020-imi Kommunalbestyrelsep ataatsimiinnera Sanaartornermi missingersuut 2021-mut tunngasoq pillugu. Aningaasaqarnermut missingersuut 2021

Suliap suliarineqarnera:

Aningaasaqarnermut ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Allattoqarfiup Aningaasaqarnermut Ataatsimiititaliamut inassutingaa:
Tapertinneqarnissamut innersuussut kr. 180.000 Ummannami sanaartorfigiuminarsaanissamut
pilersaaruserneq ataatsimiititaliap akuerissangaa
Sillimaniarnermut tapiiffigineqarnissamut innersuussut kr. 420.000 ataatsimiititaliap akuerissangaa*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 007-01: Nuussinissamut skema

Aalajangiineq:

Inassuteqaat akuerineqarpoq.

Suliaq nr.	Pineqartog	Ilanng. Nr.	008
KOM 21-049	Aningaasanik 2020-mit nuussinissamut qinnuteqaat	Journal nr.	

Uteqqiineq:

Ingerlatsivik arlalinnik kontoqarpoq tassani 2020-imut missingersuutinit sulil aningaasaateqarluni. Aningaasaqarnermut Ataatsimiititaliamut aalajangeqquneqarpoq taakku aningaasat atunngittuukkat 2021-imut missingersuutinit nuunneqarnissaat.

Suliamik saqqummiussineq:

Ingerlatsivik arlalinnik suliniutinik ingerlataqarpoq taakku ukiut arlallit suliarineqartuupput. Tamanna ima isumaqarpoq, suliniutit ataatsimut missingersuutaat ukiuni missingersuusiorfinnut arlalinnut agguataarnikuupput. Suliniut arlaannik patsiseqarluni kinguartikkaangat taava imaangilaq pineqartumut missingersuutit aningaasat tunniunneqanngitsoortat. Missingersuutit iluini suliniut naammassiniaraanni pisariaqarpoq aningaasat atunngitsuukkat ukiumut missingersuusiorfinnut tulliuuttumut nuunneqarnissaat.

Sanaartornermut immikkoortortaqrarfiup maannamut suliniutit marluk nalunaarutigaa 2020-imi kinguartooqqasut. Tassa imaappoq 2020-imi aningaasat atorineqanngillat aapatigulli 2021-imut amingaataallutik taamaattumik aningaasanik nuutitsinissaq qinnutigineqarpoq.

Iluarsiinissamut siunnersuut – sammisamut tunngatillugu nalilersuineq

Taamaattumik Sanaartornermut immikkoortortaqrarfiup innersuussutigaa suliniutinut makkununga aningaasanik nuussinissaq:

- Ilulissani Atuartunut angerlarsimaffik nutaaq
- Innaarsunni atuarfik nutaaq

Kinguaattoornernut patsisaasut

Entrepreneur Ilulissani suliami saniatigut arlalinnik suliaqarpoq taakku 2020-imi naammassisussat - ilaatigut illoqarfimmi Unnularfik nutaaq, kinguaattoortoq. Tamassuma kingunerisimavaa piffissap ilaatigut Atuartut angerlarsimaffissaani sulisut ikinnerunerat taamaattumik suliaasat ilaat 2021-imut kinguartinneqartariaqarsimallutik.

Innaarsunni suliniut kinguaattoorsimavoq Danmarkimiit sanaartornissamut atortussat arlallit piffissaq eqqorlugu apuutinngitsoorsimanerat.

Ingerlaqqinnissaq

Innersuussut aningaasaqarnermut ataatsimiititaliap akuersissutigissappagu kingorna Kommunalbestyrelsip sammisaaq aalajangiiffigissavaa.

Aningaasaqarnermi kingunerisinnaasat:

Konto Atuartut angerlarsimaffiat Ilulissat, tassani aningaasat ima amerlatigisut nuunneqarnissaat kissaatigineqarpoq kr. 1.500.000

Konto Innaarsunni atuarfik, tassani aningaasat ima amerlatigisut nuunneqarnissaat kissaatigineqarpoq kr. 1.000.000

Inatsisitigut tunngavissaq allakkallu tunngaviumik uppersaatitallit

- Kommunalbestyrelsimi ataatsimiinneq 4. decembarip 2020-mut Sanaartornermut missingersuutit pillugit

Suliamik suliarinnittoq:

Aningaasaqarnermut Ataatsimiititaliaq
Kommunalbestyrelsi

Aningaasaqarnermut Ataatsimiititaliap aaliangernera:

*Ingerlatsiviup Aningaasaqarnermut Ataatsimiititaliamut inassutingaa:
Ataatsimiititaliap ingerlatsiviup inassutaa aningaasanik 2020-meersunik 2021-mut nuutitsinissaq
akuersissutigissagaat taamaasilluni missingersuutittoqqammaviisa iluini suliniutit
ingerlatiinnarneqassammata*

Aaliangerneq:
Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilangussat:

Bilag 008-01: Sanaatornermut konto - Atuineq 2020

Aalajangiineq:

Inassuteqaat akuerineqarpoq.

Ataatsimiinneq naavoq nal.:

Atsiorfissaq:

Aqqalu Clasen Jerimiassen (A) _____

Knud Kleemann (A) _____

Minik Høegh-Dam (AT) _____

Palle Jerimiassen (AT) _____

Lena Ravn Davidsen (D) _____

Bendt B. Kristiansen (IA) _____

Jens Ole Nathanielsen (IA) _____

Niels Davidsen (IA) _____

Anthon Frederiksen (N) _____

Jens Napâtok' (N) _____

Ane Qujaukitsoq (S) _____

Elisabeth Nielsen (S) _____

Jens Kristian Therkelsen (S) _____

Jakob Petersen (S) _____

Jørgen Kruse (S) _____

Magrethe Christensen (S) _____

Sakio Fleischer (S) _____